



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 32. Martyrium S. Thomæ Cantuariensis.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.  
A. C. 1170.

liis, statuta jam pace, conquestus adiecit, conversus ad Renaldum, *te & plura quam ducentis Equitibus præsentibus, consensit Rex, ut perturbatores Ecclesie per Censuras ad satisfaciendum compellerem; & ego quidem officium Pastoris nunquam abjiciam.* His auditis surgunt Equites clamantes: *Ecce, adhuc minatur.* Et, monachos intuiti, *ex Regis mandato, inquit, custodite istum. De vestris cervicibus agitur, si effugerit.* Ipsi illico exeunt, quos usque ad fores atrii officiose prosecutus Thomas dixit: *Scitote, me neutiquam rediisse, ut iterum fugerem, nec me minarum vestrarum strepitu turbari.* Cui illi: *Ultra minas etiam aliud senties.*

## §. XXXII.

*Martyrium S. Thomæ Cantuariensis.*

c. 15. **T**um ex Palatio Archiepiscopali egressi, amicula & togas projiciunt; unde apparuit, esse loricatedos. Tota conjuratorum cohors armatur, multique præter gladios, etiam arcus, sagittas, & secures habebant, ac non nullas, quibus portæ arietantur, machinas. Interim

c. 16. 17. Thomas in sua cella tranquillus persistebat, vixque a monentibus eo adduci potuit, ut saltem ad Ecclesiam, Vesperis inter-

interfuturus, procederet. Vix autem Sæcul. XII.  
 Ecclesiam intravit, cum etiam quatuor A.C. 1170.  
 Equites, per monachorum claustrum in-  
 gressi, adveniunt. Exclamavitque Re-  
 naldus: *Ubi est ille patriæ proditor?*  
 Cumque nemo responderet, addidit:  
*Ubi est Archiepiscopus?* Ad hanc vo-  
 cem Thomas per gradus, quos ascende-  
 rat, descendens, ait: *Ecce adsum.* Ad-  
 jecitque: *Renalde! Renalde! ego multa*  
*tibi beneficia contuli; tu vero armatus*  
*in Ecclesia me invadis?* Renaldus Pal-  
 lio Archiepiscopali ex Præfulis humeris  
 detracto, *actutum faciam, inquit, ut scias.*  
*Exi ex Ecclesia, hoc momento tibi mo-*  
*viendum est.* Tum Thomas raptò ex  
 latronis manibus Pallio ait: *Non exhibo.*  
*Sed si mihi insidias paratis, in nomine*  
*Dei Omnipotentis probibeo, & Ana-*  
*thema dico, ne cuiquam meorum no-*  
*ceatis.*

c. 180

Renaldus paululum retrocedens, o-  
 culis socios quæsit, quos cum præsto  
 esse vidit, stricto gladio in Archiepisco-  
 pi caput ingentem ictum intorquet; sed  
 eum quidam Clericus, Eduardus *Grim*  
 nomine, objecta dextera, excepit, quæ  
 tantum non tota a corpore avulsa, nec  
 tamen penitus ferrum a Præfulis corpo-  
 re removeri potuit, nam dejecta Mytra  
 frontem vulneravit. Tunc Renaldus  
 exclamare: *Ferite, percutite socii, &*

A a a 5

Tho-

Sæcul. XII. Thomas inclinato ad orandum capite  
 A. C. 1170. dixit: *Animam meam & causam Ec-*  
*clesiæ Deo, sanctæ Virgini, sanctis be-*  
*jus Ecclesiæ Patronis & S. Dionysii*  
*Martyri commendo.* Hæc ultima fue-  
 re Præsulis verba; mox enim ante aram  
 genu flectens, junctis & erectis mani-  
 bus, levatis in cœlum oculis, expecta-  
 vit plagam alteram, quæ, usque ad ce-  
 rebrum penetrans, S. Virum prouum  
 quasi oraturum prostravit in terram.  
 Plaga tertia sinciput abstulit, quod in  
 faciem jacentis recidit, & tandem ali-  
 quis, nomine Hugo *Mauclere*, ensis sui  
 mucrone hiantem verticem perfodiens,  
 cerebrum in pavementum sparsit, exclamans:  
*Fumus est, abeamus hinc.* Isto  
 mortis genere extinctus est Thomas,  
 Archiepiscopus Cantuariensis, anno æ-  
 tatis quinquagesimo tertio, Feria III.  
 vigesima nona Decembris, anno mille-  
 simo centesimo septuagesimo, circa ho-  
 ram quintam Vespertinam.

Ceterum Vir Sanctus omnia vulne-  
 ra tacitus, nec manum, nec pedem mo-  
 vens, sustinuit (\*).

Dum

(\*) De anno, quo S. Thomas Martyrium  
 subiit, in Eminentissimo Cardinale Annorum  
 Ecclesiasticorum Parente sequentia leguntur:  
*Apud non nullos invenire est, positum Marty-*  
*rium*

Dum Præful in Ecclesia trucidatur, Sæcul. XII.  
 alii Palatium Archiepiscopale diripiunt. A.C. 1170.  
 Portæ & seræ infringuntur, abstrahuntur  
 equi, vapulant famuli, arcæ aperiu-  
 tur,

c. 19.

*riam ejus anno sequenti, nempe millesimo cen-  
 tesimo septuagesimo primo, sicut in Epitaphio  
 quod recitatur a Rogerio in Annalibus Angliæ  
 Et a Roberto de Monte versibus istis:*

Annus millenus centenus septuagenus

Primus erat, Primas quo ruit ense Tho-  
 mas.

Quinta dies Natalis erat, Flos Orbis ab Orbe  
 Pellitur & fructus incipit esse Poli.

*Sed quod passus ponatur ab Anglis anno se-  
 ptuagesimo primo post millenum centenum, in-  
 de accidit, quod a Natalis Domini die inci-  
 piunt exordium anni.*

Ceterum lectu omnino dignum est Apolo-  
 geticum de vera causa Martyrii Cantuariensis  
 Archiepiscopi, in Operibus Thomæ Stapletoni  
 Angli, Doctoris Theologiæ Lovaniensis, contra  
 Hæreticos Anglos, qui in quibusdam suis Ca-  
 lendaris ad diem S. Thomæ Cantuariensis po-  
 nunt, *Becquet proditor*, ac virum Sanctum ca-  
 lumniantur, quem Patres ipsorum per tot Sæ-  
 cula coluerunt. Idem Stapletonus necem S. Vi-  
 ri ad annum septuagesimum Sæculi XII. refert  
 in hoc Disticho:

Centum & mille hyemes, septem quoque  
 Iustra dabantur,  
 Anglorum Thomas, cum cadit ense,  
 Decus.

Sæcul. XII. tur, & prædones inter se pecuniam, ve  
 A.C. 1170. stes, supellectilem dividunt. Quin  
 etiam ex Tabulario Ecclesiæ Cantuarien  
 sis chartas furantur, dantque Rudolpho  
*de Broc*, quas ad Regem in Norman  
 niam deferret, ut ea, quæ Regiæ potestati  
 adversa viderentur, deleret.

c. 21. Præsulis cæde per urbem Cantuariam  
 vulgata omnes consternantur. At opu  
 lenti perterriti domi suæ se continent,  
 soli pauperes ad Ecclesiam accurrunt,  
 communem Patrem lugentes. Manus  
 pedesque osculantur, effusum cruorem  
 colligunt, eoque oculos liniunt, ac ve  
 stium suarum partes imbuunt. Reli  
 quum sanguinis solícite e pavimento  
 corrasum & in vase purissimo reposi  
 tum, ad Ecclesiæ decus & præsidium,  
 conservatur. Monachi, S. Præsulis cor  
 pore in feretro ante Altare collocato,  
 noctem illam inter preces fletibus mix  
 tas consumserunt. At ubi illuxit, cum

§. 22. non nulli nunciarent, extra urbem vali  
 dum conspici armatorum agmen, brevi  
 que adfuturos, qui S. Viri corpus aufer  
 rent, caudis equorum alligatum per ci  
 vitatem raptarent, patibulo affigerent,  
 aut frustatim concisum in volutabrum  
 projicerent, monachi trepidantes illud  
 celerrime sepelire statuunt. Clausis er  
 go Ecclesiæ januis corpus in Oratorium  
 subterraneum deportant, cumque vestes  
 defun-

defuncti excutiunt, vident, quod sub Sæcul. XII.  
 habitu monastico rigidum cilicium, quin A.C. 1170.  
 etiam, rem sine exemplo! femoralia ex  
 eodem opere rigentia gessisset. Ad pœ-  
 nitentiæ spectaculum monachi lacryma-  
 rum torrentes fundebant; nam hucus-  
 que tanta vitæ austeritas cunctos latue-  
 rat. Ergo vestimenta Sacerdotalia su-  
 perinducunt, & in sepulchro marmoreo  
 novo, quod in illo Oratorio erat, Præ-  
 sulem suum deponunt. Tunc januæ o-  
 mnes diligentissime obseratæ, Eccle-  
 sia integro pæne anno Interdicto subja-  
 cuit, velatæ sunt Cruces, nudata Alta-  
 ria, quod in Parasceve fieri solet, & Mo-  
 nachi in suo Capitulo Officium Divinum  
 sine cantu recitarunt.

## §. XXXIII.

*Regis Angliæ mæror.*

Ubi Rex Angliæ comperit, Thomam a  
 latronibus jugulatum, paucis exin-  
 de diebus elapsis, quosdam ex Clericis  
 suis Cantuariam misit, qui Monachis ad  
 Ecclesiam Cathedralem convocatis di-  
 xerunt: *Funestus exitus Archiepiscopi  
 vestri usque adeo Regem afflixit, ut per  
 triduum Ecclesiæ aditum sibi ipsi pro-  
 hibuerit, & nihil cibi nisi lac amygdali-  
 num sumserit. Nullum solatii genus ad-  
 misit, sed totidem diebus latuit inclusus;  
 haud ignarus enim est, quantum famæ  
 suæ*

*Gest. post  
 Mart.  
 c. 1.*